


GILDANDI AÐALSKIPULAG



BREYTT AÐALSKIPULAG



ADALSKIPALGSBREYTING PESSI SEM AUGLÝST HEFUR
VERID SKV. 31. GR. SKIPULAGSLAGA NR. 123/2010
FRA 29. júní '22 TIL 12. Þguist '22
VAR SAMÞYKKT Í SVEITARSTJÓRN PANN 12.10.2022

[Handwritten signatures and stamp]

SVEITARSTJÓRI BORGARBYGGÐAR

ADALSKIPALGSBREYTING PESSI VAR STADFEST AF

SKIPULAGSSTOFNUN PANN 27.10.2022

[Handwritten signature]

GILDISTAKA ADALSKIPALGSBREYTINGARINNAR VAR
AUGLÝSTI B-DEILD STJÓRNARTÍÐINDA PANN

Almennt

Um er að ræða breytingu á Aðalskipulagi Borgarbyggðar 2010-2022 skv. 1. mgr. 36. gr. skipulagslaga nr. 123/2010.

Það svæði sem breyting á aðalskipulagi nær til er hluti frístundasvæðis F128 (Húsafell 2 og 3) sem er 98 ha að stærð (eftir breytingu árið 2017).

Breytingin fellst í því að landnotkun á 30 ha svæði innan landsvæðis Litlu-Tungskóga (L219075) í Húsafelli er skilgreint sem ibúðarsvæði í stað þess að vera skilgreint sem frístundabyggð.

Breytingin styður eftirfarandi stefnumörkun aðalskipulagsins fyrir ibúðarsvæði í dreifbýli:

- Í Borgarbyggð sé á hverjum tíma nægt framboð á áhugaverðum búsetukostum þar sem reynt veſrður að koma til móts við óskir samfélagsins á hverjum tíma.

Forendur og tilgangur

Markmið breytingartillögunnar er að skilgreina ibúðarsvæði í Húsafelli með það að markmiðið að heilsárs búseta verði möguleg á svæðinu.

Í gildi er deiliskipulag fyrir svæðið frá árinu 2007 þar sem gert er ráð fyrir 54 lóðum fyrir frístundabyggð auk einnar þjónustulóðar. Samhlíða vinnu við breytingu á aðalskipulagi er gerð breyting á deiliskipulagi sem fellst í því að 40 lóðir fyrir frístundahús verða skilgreindar sem lóðir fyrir 40 ibúðarhús. Stærðir lóða og húsa verða óbreytt frá gildandi deiliskipulagi. 14 lóðir austast á svæðinu verða eftir sem áður skilgreindar sem frístundalóðir.

Þegar er Húsafell Hraunlóðir ehf. með 21 hús í byggingu á svæðinu í samræmi við gildandi deiliskipulag en öll húsin uppfylla kröfur sem gerðar eru til ibúðarhúsa.

Með því að skilgreina svæðið sem ibúðarbyggð er verið að gefa eigendum þeirra 40 húsa sem byggð verða á svæðinu möguleika á að vera með fasta búsetu í þeim og þar með í sveitafélagini. Með því er m.a. verið að koma til móts við vaxandi þörf fyrir heilsárbúsetu á svæðinu en í Húsafelli er rekin umtalsverð ferðapjónusta. Skortur er á húsnæði fyrir fólk sem þar starfar á svæðinu allt árið og er breytingu á aðalskipulagi ætlað að koma til móts við þá þörf. Mikil uppbygging hefur verið á ferðapjónustu á svæðinu undanfarin á en húsnæðisskortur hefur háð þeirri uppbyggingu. Aðeins 4 ibúðarhús eru á Húsafelli en allt að 100 störf eru í fyrirtækjum á Húsafelli og nágrenni.

Samgöngur eru góðar að Húsafelli en bundið slitlag er alla leið að Húsafelli frá Borgarnesi (62 km) auk þess sem flugvöllur er í Húsafelli. Hitaveita og vatnsveita eru á svæðinu og raforkuöflun með hefðbundnum hætti. Ljósleiðari er á svæðinu sem auðveldar fjarvinnu og fjarnám. Verslanir með nauðsynjavörur og eldsneyti eru í Reykholti (24 km) og á Húsafelli. Grunnskóli og leikskóli eru á Kleppjárnsreykjum (29 km), menntaskóli í Borgarnesi og háskólar á Hvanneyri og Bifröst. Íbúar svæðisins munu eins og aðrir íbúar sveitafélagsins hafa aðgang að heilsugæslustöð ásamt annarri almennri þjónustu í Borgarnesi.

Staðhættir

Svæðið er innan Húsafells og er það staðsett um 600 m austan þjónustumiðstöðvarinnar í Húsafelli, á milli Hálsasveitarvegar (518) og Hvítár. Svæðið sem breyting á aðalskipulagi nær til einkennist af hrauni og birkikjarri. Í landi Húsafells er nú stórt sumarbústaðasvæði, hótel, verslun, sundlaug, golfvöllur og fjölbreytt ferðapjónusta. Margar góðar gönguleiðir eru um Húsafellsland og Húsafellsskógi. Húsafellslandið nær inn að Geitá og norður að Kaldadal.

Jörðin Húsafell var skráð á Náttúruminjaskrá 1996 undir aðrar náttúrumínjar og er umfjöllun um svæðið eftirfarandi:

Tilkumumikið fjölbreytt landslag, víðlendur skógur, laugar og lindir. Vinsælt útvistarsvæði. Þegar friðað að nokkuð austar en það svæði sem breytingin nær til en nær það yfir 436,7 ha víðáttumikinn birkiskógi.

Eftirfarandi breytingar voru gerðar á breytingu á aðalskipulagi vegna umsagna sem bárust á auglýsingar- og kynningartíma, m.a. þar sem upplýsingar eru í greinargerð gildandi aðalskipulag eru úteltar:

Innan skipulagssvæðisins er hraun sem fellur undir a. lið 2. mgr. 61. gr. laga nr. 60/2013 um náttúruvernd (Geitlandshraun).

Í 61. gr. laganna er kveðið á um sérstaka vernd þeirra vistkerfa og jarðminja sem taldar eru upp í 1. mgr. og 2. mgr. sama ákvæðis. Samkvæmt 3. mgr. ákvæðisins ber að forðast röskun þeirra náttúrufyrirbæra, sem undir greinina falla, nema brýna nauðsyn beri til og ljóst að aðrir kostir séu ekki fyrir hendi. Við uppbyggingu er sérstakt tillit tekið til hrauns sem fellur undir a. lið 2. mgr. 61. gr. laga nr. 60/2013 um náttúruvernd og eru vegir og byggingarreitir staðsettir þannig að sem minnst röskun er á hrauni.

Breyting á aðalskipulagi

Breyting á uppdrætti

Breytingin felst í því að á sveitarfélagsupprætti verður skilgreint 30 ha ibúðarsvæði innan Húsafells 3 og vegna þess minnkar frístundasvæði F128 innan Húsafells 2 og 3 um 30 ha eða úr 98 ha í 68 ha.

Nýtt ibúðarsvæði fær landnotkunarnúmerið 13.

Breyting á greinargerð

Í töflu 4.1 á bls. 14 um ibúðarsvæði í dreifbýli er bætt við ibúðarsvæði 13 í Húsafelli 3.

Í töflu 4.9 á bls. 39 um frístundabyggð minnkar svæði F128 úr 98 ha í 68 ha.

Íbúðarsvæði	Stærð (ha)	Tilvísun í sveitarfélagsupprætt
Húsafell 3	30	13

Á svæðinu verða allt að 40 ibúðarlóðir sem hver er að hámarki 2000 m að stærð. Byggingarreiti skulu ekki vera nær löðarmörkum en 10 m og því eru að lágmarki 20 m á milli byggingarreita. Innan hvorr lóðar má byggja eitt ibúðarhús á einni eða tveimur hæðum auk aukahúss. Heildargrunnflötur ibúðarhúss og aukahúss skal að hámarki vera 200 m². Fella skal byggðina vel að landi og gróðri til að vernda náttúrulegt yfirbragð svæðisins. Staðsetning lóða og byggingarreita skal vel þannig að sem minnst röskun verði á gróðri og hrauni og halda skal jarðraski í lágmarki. Samræmi skal vera í heildaryfirbragð byggðarinnar.

Jörð	Stærð (ha)	Tilvísun í sveitarfélagsupprætt
Húsafell 2-3	68	F128

Tengsl við Landsskipulagsstefnu 2015-2026

Í Landsskipulagsstefnu er sett fram stefna um skipulagsgerð sveitarfélaga og m.a. er fjallað um sjálfbæra byggð í dreifbýli þar sem eftirfarandi kemur fram:

2.1.1 Sjálfbær byggð í skipulagsáætlunum

Við skipulagsgerð sveitarfélaga verði miðað að því að styðja og styrkja samfélag viðkomandi byggðarlags með því að beina vexti að þeim kjörnum sem fyrir eru. Í dreifbýli tengist fjölgun íbúða fremur búrekstri eða annari staðbundinni landnýtingu eða atvinnustarfsemi.

Húsafell er ekki skilgreint sem þéttbýlikjarni og ekki er verið að skilgreina þéttbýlikjarna í breytingu á aðalskipulag, aðeins ibúðarsvæði í dreifbýli. Í Húsafelli er töluverð atvinnustarfsemi á sviði ferðapjónustu og fjölgun íbúða á svæðinu er því í samræmi við Landsskipulagsstefnu um að fjölgun íbúða sem tengist m.a. staðbundinni atvinnustarfsemi.

Áhrifamat

Gera má ráð fyrir að megináhrif af tillögunni verði þar sem verið er að koma fyrir ibúðarlóðum á svæði sem einkennist af hrauni og birkikjarri en að önnur áhrif eru talin vera óveruleg.

Þeir skilmálar eru settir að fella skuli byggðina vel að landi og gróðri til að vernda náttúrulegt yfirbragð svæðisins. Þá skal staðsetning lóða og byggingarreita vera þannig að sem minnst röskun verði á gróðri og hrauni og jarðraski haldið í lágmarki auk þess sem samræmi skal vera í heildaryfirbragð byggðarinnar.

Í gildi er deiliskipulag fyrir svæðið þar sem búið er að staðsetja lóðir og byggingarreiti í samræmi við þá sem fram kemur hér að ofan. Samhlíða vinnu við breytingu á aðalskipulagi er gerð breyting á deiliskipulagi sem fellst eingöngu í því að fyrirhuguð hús geta verið ibúðarhús í stað þess að vera frístundahús.

Skilmálar sem settir eru fyrir svæðið sem ibúðarsvæði í breytingu á aðalskipulagi eru í samræmi við þá skilmála sem eru fyrir svæðið í deiliskipulagi.

Það svæði sem skilgreint er sem ibúðarsvæði er 30 ha en svæði sem er fer undir íbúðarlóðir er að hámarki 8 ha. Nokkuð landsvæði fer undir veginum en um 2/3 hlutar svæðisins verður eftir sem áður óraskað hraun og birkikjarr.

Möguleg jákvæð áhrif eru á samfélag með því að heimila íbúðarhús í Húsafelli, en skortur er að lóðum fyrir íbúðarbyggð í dreifbýli á svæðinu. Talin er vaxandi þörf fyrir heilsárbúsetu í Húsafelli þar sem rekin umtalsverð ferðapjónustu, en skortur er á húsnæði fyrir fólk sem þar starfar og er með breytingunni ætlað að koma til móts við þá þörf.

12.09.2022. BREYTT EFTIR AUGLÝSINGAR- OG KYNNINGARTIMA

BORGARBYGGÐ, AÐALSKIPULAG 2010-2022
BREYTING Á AÐALSKIPULAGI - TILLAGA
HÚSAFELL

KVARDI-A3: 1:100000
DAGS: 12.09.2022
FLOKKUR: 6000
SKRÁ: VERKNR:
TEIKN NR: HANNAD: ÓI
TEIKNAD: ÓI
VERKRNR: LANDSLAG

LANDSLAGSARKITEKTAR FÍLA
SKÓLAVÖRBUSTIG 11 - 101 REYKJAVÍK - SÍMI: 535 5300
KAUPANGI V/MYRARVEG - 600 AKUREYRI - SÍMI: 460 4440
WWW.LANDSLAG.II